

A-SÀM ED MÔDNA

(sull'aria di WE ARE THE WORLD di L. Richie)

A-sàm chè – a cavâl a la via Emilia
strichë só fra Sàcia e Panêra;
par la lónga la va méi – dal Po a l'Abetòun
come dîr ca gh'âm pió varietê;
mo par mè – par nuêter c'a-gh sàm nê
sta zitê l'é al pôst pió bêl dal mànd:
la srà l'aria o me an-n'al so - a dêrem st'emoziòun
a-so söl che quând a-gh pèins a-m vîn da dîr:

*A-sàm i miör - a-sàm ed Môdna
a-sàm di tôgo ch' a-rivàm a tór la véta cômda.*

Ânch a têvla a-sàm di sgnör – a-rispetàm i amîgh,
a-sàm boun ed lavurêr e boun ed fêr l'amör.

Pröva a pensêrgh un pôch – che furtûna ch'a-gh avàm:
a-sàm nê in 'na têra ed campiòun:
pèinsa söl a Pavarôt – Ferrari a-n s'in descàr,
l'è un nàm quast chè – ch'a-s l'invédia tót al mànd!

*A-sàm i miör - a-sàm ed Môdna
a-sàm di tôgo ch' a-rivàm a tór la véta cômda.*

pèinsa a Fini coi turtlèin – 'na fàta o dö ed zampòun
vînm a dîr cus'a-gh pöl ëser ed pió boun!

E 'sta brêva zèint l'é nêda tóta chè
l'è nêda a Môdna e chi sa mai parchè.

Ânch la nostra agricultura - e glindùstri ch' a-gh-avàm
el vîn fòrt, dapartótt a-s-sàm fât un nàm.

*A-sàm i miör - a-sàm ed Môdna
a-sàm di tôgo ch' a-rivàm a tór la véta cômda.*

Grân campiòun ed pallavolo - a-n-s manca prôpia gnînt
orgogliöſ parchè a-sàm mudnës cunvînt.

*A-sàm i miör - a-sàm ed Môdna
a-sàm di tôgo ch' a-rivàm a tór la véta cômda.*

A-guardàm la Ghirlandèina - ch' l'è al nôster talismân
e pensând a lë a-sàm cuntèint tótt l'ân.

*A-sàm i miör - a-sàm ed Môdna
A-sàm i miör - a-sàm ed Môooooodnaaaaa*